



Dos actividad cultural den Centro di Actividad Rancho Diasabra awo lo tin un exposicion y lectura “intercambio Aruba- La-Guaijra”



ORANJESTAD – Fundacion Rancho ta invita pueblo di Aruba pa bishita e Exposicion di Tempo pa Click 2016. Unda por conoce storia y potret nan trahado e participante nan. Na mes un momento lo tin un lectura cu e topico “Intercambio cultural y comercial Aruba-La Guaijra” unda lo intercambia informacion entre pueblo La-Guaijra bibando na Aruba.

Proyecto di fotografia
Tres aña pasa Fundacion Rancho a cuminsa cu e proyecto Tempo pa Click. Pa asina duna habitantenan di barío e oportunidad di expresa nan mes cu fotografia. Diferente hoben y adulto a participa cu e proyecto y a siña con pa saca potret den diferente aspecto. Tur locual ta consisti den e barío di Rancho ta haya oportunidad di saca potret di dje. E aña aki Fundacion Rancho ta desea pa continua y sigui desaroya e proyecto den Centro di Actividad Rancho. Pa e

motibo aki ta habri e exposicion di Tempo pa Click 2016 di nobo. Dunando e publico e oportunidad pa conoce storia y potret nan trahado e participantenan. Tur potret lo ta na benta. Cumpra e potret ta duna oportunidad pa stimula e participante nan cu un carrera den fotografia.

Subsidio
Sr. Clifford Rosa ta haci peticion na tur comerciantenan y sector priva pa yuda apoya e proyecto di Tempo pa Click pa asina por haci e proyecto mas grandi e aña aki. Tambe ta buscando mas boluntario pa yuda cu e proyecto. Mirando cu e trabou ta multidisciplinario y creativo, caminda por siña con e Fundacion ta traha y kico e proyecto Tempo pa Click ta encera. E proyecto Tempo pa Click a wordo encarga na su prome aña door di Universidad di Aruba. Persona cu ta interesa pa participa of forma parti di e proyecto aki por acerca Fundacion diasabra awor pa

mas informacion.

Lectura
Actualmente Aruba y La-Guaijra ta preparando pa cuminsa cu ‘Intercambio cultural y comercial Aruba-La Guaijra’. Unda Fundacion Rancho lo inicia e proceso di intercambio dia 25 di maart cu un encuentro cu La-Guaijra nan biba na Aruba y tambe tur interesadonan cu ta muestra interes den e tema di intercambio entre e dos pais nan. Cu e lectura kier trece mas union, cu tin entre e barío Rancho y La-Guaijra. Fundacion Rancho ta desea pa e comunidad di La-Guaijra Venezuelano y Colombiano participa cu e lectura y elabora riba diferente tema cu ta afecta e dos pais nan. Sr. Clifford Rosa ta conta Bon dia cu awo ta preparando pa tin tur cos cla pa cu e intercambio den un manera visible. Diasabra awor por bishita Centro di Actividad Rancho libremente cuminsando for di 6.30 di atardi.